

Kes boleh meningkat jika SOP diabaikan ketika hari raya

KUALA LUMPUR

- Tidak mustahil kes jangkitan positif Covid-19 di negara ini terus meningkat sekiranya rakyat tidak mematuhi prosedur operasi standard (SOP) ketika menyambut Hari Raya Aidilfitri.

Ketua Laboratori, Kesejahteraan dan Kesihatan Sosial Belia, Institut Pengajian Sains Sosial, Universiti Putra Malaysia, Profesor Madya Dr Haliza Abdul Rahman berkata, perkara itu dapat dibuktikan dengan situasi yang berlaku di negara ini sekarang.

Beliau berkata, meskipun kerajaan tidak membenarkan perjalanan merentas negeri, namun kes jangkitan Covid-19 masih



HALIZA

tinggi disebabkan terdapat segelintir rakyat yang tidak mematuhi SOP ditetapkan.

“Ada segelintir rakyat yang masih tidak patuh SOP terutama ketika bulan Ramadan. Kalau situasi begini kekal, tidak mustahil Perintah Kawalan Pergerakan akan dilaksanakan kembali oleh

kerajaan,” katanya ketika dihubungi *Sinar Harian* pada Khamis.

Haliza berkata, sekiranya kes jangkitan Covid-19 masih tinggi, kerajaan perlu meneruskan larangan merentas negeri walaupun untuk tempoh masa panjang.

Dengan cara tersebut, katanya, ia juga dapat mengekang penularan Covid-19 daripada merebak secara meluas.